

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 11.09.2017թ.-ի թիվ 1706777988 որոշումը բեկանելու և վարչական իրավախախտման վերաբերյալ գործը կարճելու մասին

«22» 12 2017թ. 17-4 - 34208

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս վերանայելով Խոսրով Հովակիմյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Խոսրով Հովակիմյանը դիմումով հայտնել է, որ վարել է OPEL մակնիշի 35MA743 հաշվառման համարանիշի տրանսպորտային միջոցը և խնդրել վարչական տույժ նշանակելու մասին թիվ 1706777988 որոշումը վերահասցեագրել իրեն:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-րդ մասի համաձայն՝ Խոսրով Հովակիմյանը ճանաչվել է որպես իրավախախտում կատարած անձ, ուստի նրա կողմից ներկայացված դիմումը ենթակա է քննարկման:

Նյութերի ուսումնասիրությամբ պարզվել է, որ OPEL մակնիշի 35MA743 համարանիշի տրանսպորտային միջոցի վարորդը 01.09.2017թ. ժամը 16:02-ին Երևան քաղաքում երթևեկել է ՀՀ կառավարության 2007 թվականի հունիսի 28-ի 955-Ն որոշման Հավելված N 1-ի Ձև N 1-ի 5.15.1. «Երթևեկության ուղղությունները գոտիներով» ճանապարհային նշանով տվյալ գոտու համար չթույլատրված ուղղությամբ: Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 3-րդ մասով, 224-րդ հոդվածի 2-րդ մասով, Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-րդ մասի համաձայն՝ OPEL մակնիշի 35MA743 համարանիշի տրանսպորտային միջոցի սեփականատեր Անահիտ Հուրոյանը տուգանվել է 5000 դրամ:

Դիմումին կից ներկայացված Խոսրով Ռաֆիկի Հովակիմյանյանի վարորդական իրավունքի պատճենից ակնհայտ է, որ թիվ 1706777988 որոշմամբ արձանագրված խախտումը կատարելու պահին վերջինս տրանսպորտային միջոցը վարել է ուժը կորցրած վարորդական վկայականով, որը պարունակում է Վարչական իրավախախտումների վերաբերյալ ՀՀ օրենսգրքի 128-րդ հոդվածի 4-րդ մասով սահմանված զանցակազմ:

Ճանապարհային ոստիկանության վարչական գործունեության բաժանմունքի պետի կողմից 08.12.2017թ.-ին կայացվել է թիվ ԱԴ 220226 որոշումը, ըստ որի Խոսրով Ռաֆիկի Հովակիմյանը Վարչական իրավախախտումների վերաբերյալ ՀՀ օրենսգրքի 128-րդ հոդվածի 1-ին մասի համաձայն տուգանվել է տասը հազար դրամի չափով:

Այսպիսով, հաստատված համարելով այն, որ 01.09.2017թ.-ին արձանագրված ճանապարհային երթևեկության կանոնի խախտումը կատարվել է Խոսրով Հովակիմյանի կողմից, նկատի ունենալով, որ դրա համար վերջինս արդեն իսկ ենթարկվել է վարչական պատասխանատվության՝ առավել լուրջ խախտման համար սահմանված սանկցիայի շրջանակներում, նույն խախտման համար Անահիտ

Հուրոյանի անվամբ կայացված վարչական տույժ նշանակելու մասին թիվ 1706777988 որոշումը ենթակա է բեկանման:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 11.09.2017թ.-ի թիվ 1706777988 որոշումը բեկանել և վարչական իրավախախտման վերաբերյալ գործը կարճել:

2. Ճանապարհային ոստիկանության վարչական տույժ նշանակելու մասին թիվ 1706777988 որոշմամբ ԴԱՀԿ ծառայություն ներկայացված բռնագանձման պահանջից հրաժարվել:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

4. Սույն որոշման օրինակն ուղարկել Խոսրով Հովակիմյանին (հասցեն՝ ք.Երևան, Լենինգրադյան փ., 102., 53բն.), տրանսպորտային միջոցի սեփականատեր Անահիտ Հուրոյանին (հասցեն՝ ք.Երևան, Ա.Բաբաջանյան փ., 167 շ., 25բն.), ՃՈ ՊՀՎ բաժնի վարչական գործունեության բաժանմունք և ՏՄՀԽԱ կենտրոն:



Ե.Կարապետյան